

KERATAN AKHBAR

Sinar Harian Pahang

TAJUK : POLISAS JADI WAKIL ZON TIMUR
TARIKH : 6 OKTOBER 2010 (RABU)



JENAYAH



19 GRO China diserbu
ketika layan lebih 30 N15

RABU | 06 OKTOBER 2010 | 27 SYAWAL 1431 | BIL: 1483 | PP11200/02/2011 (029127) | www.sinarharian.com.my

PAHANG

SUARA SEBENAR ORANG PAHANG RABU | 06 OKTOBER 2010

Polisas jadi wakil Zon Timur

KUANTAN — Politeknik Sultan Haji Ahmad Shah (Polisas) melalui Kumpulan Dikir Barat Sri Makmur berjaya mengungguli Festival Kesenian Islam Politeknik Kementerian Pengajian Tinggi (KPT) Zon Timur melalui acara dikir barat yang diadakan di Politeknik Kota Bharu. Penasihat kumpulan,

Mohd Amran Che Mood berkata, kemenangan itu membolehkan Sri Makmur mewakili Zon Timur ke Festival Kesenian Islam Politeknik KPT peringkat kebangsaan yang diadakan pada Sabtu ini di Polisas.

Menurutnya, dalam pertandingan itu, Polisas berjaya menewaskan Politeknik Kota

Baharu di tempat kedua dan Politeknik Sultan Mizan Zainal Abidin di tempat ketiga sementara Politeknik Muadzah Shah di tempat keempat.

"Selain mengungguli johan keseluruhan, kategori Tok Jora Terbaik juga dimenangi Polisas melalui Wan Osman Wan Yusof dan kami sedang giat menjalani latihan

untuk menghadapi persiapan menjelang Festival Kesenian Islam Politeknik KPT peringkat kebangsaan yang diadakan pada Sabtu ini," katanya.

Beliau berkata, sesi latihan diadakan setiap malam bagi memastikan semua 35 pendikir bersedia menghadapi festival itu.

Menurutnya, Kumpulan Sri Makmur juga turut menghantar pasukannya menyertai Pertandingan Dikir Barat Institusi Pengajian Tinggi Zon Timur 2010 di Universiti Teknologi Mara (UiTM) Dungun 27 September lalu bagi memantapkan lagi pasukan itu.

"Sasaran kita pada kali ini adalah untuk muncul johan peringkat kebangsaan, memandangkan Polisas menjadi tuan rumah yang pastinya mempunyai kelebihan di tempat sendiri," katanya.

Mohd Amran berkata, kumpulan yang baru ditubuhkan kira-kira dua bulan lalu akan mengadakan pelbagai aktiviti seperti bengkel dikir barat, membuat perlawanan persahabatan dengan kumpulan dikir barat yang lain bagi mengeratkan lagi hubungan di samping berkongsi ilmu pengetahuan, kemahiran dan pengalaman dalam arena seni itu.



■ Kumpulan Sri Makmur sewaktu mengungguli Festival Kesenian Islam Politeknik KPT Zon Timur yang diadakan di Politeknik Kota Bharu, baru-baru ini.

